CBETA電子佛典集成

CBETA Chinese Electronic Tripitaka Collection ebook

T14n0479

善思童子經

隋 闍那崛多譯

目次

- 編輯說明
- 章節目次
- 巻目 次
- 001002贊助資訊

編輯說明

- 本電子書以「CBETA 電子佛典集成 Version 2022. Q3」為資料來源。
- 漢字呈現以 Uni code 3.0 為基礎,不在此範圍的字則採用組 字式表達。
- 梵文悉曇字及蘭札字均採用羅馬轉寫字,如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題,歡迎來函 service@cbeta,org 回報。
- <u>版權所有</u>,歡迎自由流通,但禁止營利使用。

No. 479 [Nos. 477, 478]

善思童子經卷上

隋天竺三藏闍那崛多譯

如是我聞:

一時婆伽婆住毘耶離城,在菴婆羅波梨園內,與諸聲聞、八千比 丘、一萬菩薩,如是大眾一切悉皆變化形服作諸天身。爾時,世尊 於晨朝時著衣持鉢,將此化眾前後圍遶,入毘耶離大城之中次第乞 食,漸漸行至毘摩羅詰離車之家。當於是時,毘摩羅詰離車家內, 有一童子名曰善思。是時善思在於自家重閣之上嬭母抱持,時彼童 子手中秉執一莖蓮華翫弄嬉戲,而彼童子以其宿植眾善所熏,又佛 世尊神通力故,令此童子忽然以偈白其嬭母,作如是言:

「今有響微妙, 翳諸音樂聲; 捨置於樓上。 願嬭放我身, 而此光明照, 決是大丈夫; 右足跨於闡, 欲入此城門。 微妙令意喜, 諸鳥鳴喚聲; 我耳未曾 閩, 諸鳥如是唱。 決定是調御, 為利益世間; 右足跨於閩, 欲入此城門。 如服諸瓔珞, 遍體震鳴聲; 其響妙鏗鏘, 聞者皆歡喜。 決定千輪足, 威神莊嚴身; 右足跨於闡, 欲入此城門。 猶彼大地震, 亦如打銅鍾; 諸如是等聲, 無有不聞者。 決定彼人日, 大聖之身光; 欲入此大城, 今眾生無畏。 如諸林樹木, 種種華莊嚴; 各聞微妙音, 眾牛隨所樂。 決定善安住, 與願大龍干; 右足跨於闡, 欲入此城門。

如虚空光照, 大地普皆明; 日彩曀不彰, 此世尊金色。 決定喜觀察, 大威放焰光; 欲入此城門。 右足跨於閩, 阿嬭今觀此, 天眾在虚空; 歡喜歌嘯聲, 弄諸衣服等。 最勝諸眾生; 決定利益世, 右足跨於闡, 欲入此城門。 今此大城内, 相向起慈心; 各各共喜歡, 如父母爱子。 決定大福聚, 眾德莊嚴身; 右足跨於關, 欲入此城門。 將種種香花; 又男夫婦女, 滿掬四面飄, 心牛大歡喜。 決定大自在, 福德華莊嚴; 右足跨於閩, 欲入此城門。 天人華所散, 悉遍滿虚空; 處處雨眾香, 微妙甚可熹。 決定世善逝, 大福慧入城; 為利益眾生, 所以今來到。」

爾時,善思懷抱嬭母,聞其童子自口所說如此偈已,心生恐怖身毛悉堅,支節戰掉不能自持。安彼童子於樓閣上,置已即作如是思惟:「此子何也?為天、為龍、為是夜叉、為是羅剎、為鳩槃茶、為毘舍遮、為緊陀羅、或復為是摩睺羅伽?如此之言非是世間嬰孩所說。」時彼嬭母即一定住不敢動移,亦不起行不敢大語,細喘低頭默然察聽。

爾時,世尊漸漸行近善思離車童子之家,入彼街巷至於其家門前止住。而是善思離車童子,遙見世尊在於閣下,見已即便從高樓上投身向佛。是時善思離車童子,以佛神力在於空中嶷然而住,即以偈頌而白佛言:

「世尊住智中, 最勝者住此; 利諸眾生故, 願受我蓮花。」 爾時,世尊即還以偈報於善思離車童子,作如是言:

「我所住實際, 非眾生境界; 彼際無所有, 是際如實相。」

爾時,世尊說是語已,離車童子復更以偈而白佛言:

「世尊云何住, 於此真實際? 此際既無有, 無有何所住?」

爾時,善思離車童子說是語已,佛復以偈而更報言:

「如際實際者, 彼際是如來; 如彼實際住, 我住彼亦然。 如實際諸佛, 其體一無殊; 如彼真實際, 我作如是住。」

爾時,世尊說是語已,善思童子復更以偈重白佛言:

「非際際非際, 此際有何相? 作何等方便, 得名為實相?」

爾時,善思離車童子說是語已,佛復以偈而更報言:

「不可執際際, 故言為實際; 彼際如虛空, 虛空亦無相。」

爾時,世尊說是語已,善思童子還更以偈白於佛言:

「希有真實處, 住處最上住; 願眾生住此, 如諸佛所住。」

爾時,善思離車童子說此偈已,一心合掌而白佛言:「惟願世尊,慈愍我故受此蓮華。」

爾時世尊為欲憐愍善思離車孩童子故受彼蓮華。佛受華已,是時善思離車童子,歡喜踊躍發是願言:「藉此善根,我於來世,若當證得阿耨多羅三藐三菩提已,如今世尊,為於一切眾生說法。然其法中,諸凡夫法及阿羅漢,一切聖法皆不可得。」

爾時,長老舍利弗同在集會聞是語已,於大眾中即問善思離車童子作如是言:「離車童子!汝向所言,我當證彼如是法已,為諸眾生說於彼法。云何說法?彼法云何?」

爾時善思離車童子,即以偈答舍利弗言:

爾時,長老富婁那彌多羅尼子,即於眾中還以偈問善思童子,作如 是言:

「童子汝云何, 能學解此法? 甚深無譬喻, 諸智者所迷。 汝今身未行, 已作如是辯, 能對最第一, 智慧大聲聞。 汝體如真金, 遍皆巧知解; 顯赫此城巷, 如月處虛空。」

爾時,善思離車童子即還以偈,答於長老富婁那彌多羅尼子,作如 是言:

「尊者今言生, 此生無有處; 諸法無生故, 當生此是何? 諸法既無生, 何者名真體? 此我說本性, 一切諸法無。 法及法本性, 二俱不可得; 此法諸佛說。 二既不可得, 是名最上輪, 鹿苑中前轉; 虚空搦拳已, 今覺多聲聞。 唯鳴於法聲, 眾生多誑惑; 乘方便及智, 當說如真實。 是名凡夫境; 言生及死者, 此之顛倒見, 富婁那未盡。 生死及彼此, 世間人言語; 無言語法中, 假以語言說。」

爾時,長老富婁那彌多羅尼子,聞此偈已歡喜稱讚,即便白佛作如 是言:「希有,婆伽婆!希有,修伽陀!此之善思離車童子,乃有 如是甚深智慧難可度量。」

是時佛告富婁那言:「如是,如是!汝富婁那如汝所說。」

爾時,世尊問於善思離車童子作如是言:「善思童子!汝今欲為何誰證於阿耨多羅三藐三菩提?」

是時善思離車童子,即以偈頌而答佛言:

「佛最勝世尊, 知而故問我; 欲為誰著鎧? 今當真實宣。 我無所為人, 亦無著錯者; 無受化眾生。 甚深上法中, 眾生非眾生, 一切皆無有; 彼名為世尊。 如是牛解法, 如實際常處; 非一非無異, 此甚深最上。 我當今覺眾, 彼眾生亦無; 眾生體既無, 彼中何有智?

智慧及眾生, 性畢竟非有; 若能如是解, 彼名世智人。」

爾時,善思離車童子說是偈已而白佛言:「大聖世尊!我若當來自覺了知如是法已,為諸眾生作如是說。」

是時長老阿難比丘,於大眾中即從座起而白佛言:「世尊!希有,婆伽婆!希有,修伽陀!此之善思離車童子乃能如是宣說甚深微妙法句、不染著句、無倚著句。此深法中,天、人、世間恐怖迷沒。世尊!如是實性甚深法中誰不欲行?惟有昔於甚深法中有因緣者乃能生信。」爾時阿難欲重宣此義,而說偈言:

「猶如聚真金, 遙觀妙顯赫; 此善思童子, 處在大眾中。 譬如須彌山, 安住於海內; 如是善說法, 彌覆此世間。 無有及非無, 善思童子說; 如是彼實際, 實際亦空無。 汝今說此時, 不曾生恐怖; 善思汝如是, 我云何得知?」

爾時,善思離車童子聞是語已,即還以偈報阿難言:

「我已誓捨身, 著此無為鎧; 無望故求道, 多聞如是知。 墮於可畏獄; 為 五欲 所 洣 , 今見無上尊, 我云何不喜? 化度諸眾生; 世尊大慈愍, 我身不墜傷, 今在佛前住。 虚空及我體, 此二悉是無; 身及空既無, 云何當畏壞? 佛身及空體, 真實不可分; 能有此忍心, 彼中無怖畏。 虚空及大地, 真如中悉無; 是故無恐怖。 我今真實知, 虚空 遍大地, 畢竟不可得;

無真無生故, 真實無驚畏。 虚空無有高, 下處亦無有; 如是法知者, 彼無虛可驚。」

爾時,善思離車童子說是偈已,佛即問言:「善思童子!汝不畏耶?」

是時善思即答佛言:「善哉世尊!我實無畏。」

佛復更問善思童子:「汝不恐耶?」

善思答言:「善哉,世尊!我實無恐。」

佛復問言:「善思童子!汝不怖耶?」

善思答言:「善哉,世尊!我實不怖。」

爾時,世尊讚善思言:「善哉,善哉!善思離車!真實善哉!汝今乃能如是不畏、不恐、不怖。」佛因此事,即為善思而說偈言:

「有有故怖生, 彼有不可得; 能定此忍者, <mark>彼</mark>即近菩提。 取相言眾生, 而眾生無有; 能如是了達, 彼即住真乘。 菩提無得人, 不得得不得; 離此得不得, 恐怖心則無。 若能如是知, 有無皆不住; 善思汝當識, 此路趣菩提。

爾時,世尊說此偈已,復告善思作如是言:「善思童子!是故菩薩摩訶薩等,若欲速疾安樂得成阿耨多羅三藐三菩提者,當應須念常相、樂相、我相、淨相,及眾生相,壽命、養育、福伽羅相,此相即是阿耨多羅三藐三菩提真正直路。善思童子!我於往昔發心行於

菩薩行時,常念此路,以是義故,我乘此路得至菩提;然其此路無有一法而可得者,此即是我無上菩提。」

爾時,世尊欲重宣此義而說偈言:

「我雖說常相, 其常非是有; 既知無有常, 即無有諍競。 有著樂相者, 樂亦無直實; 此是顛倒見, 分別福伽羅。 若知諸法真, 各各無集處; 彼等不作相, 命及福伽羅。 路非是菩提, 非路亦復爾; 我說此本性, 諸法無處所。 本性及眾物, 智者不分别; 善思汝當知! 此路向菩提。 彼佛非行道; 若著如是路, 若著有相者, 彼不知諸法, 亦不能乘乘, 諸佛所憐愍, 無有人能行, 此寂甚深處。 彼物不可物; 一切處無物, 既無有物故, 彼樂無處生。 諸樂及諸苦, 此路如虚空; 能得如是覺, 彼心得解脫。 我雖說我相, 此法亦無有; 既無有我所, 亦復無有智。 既無有智知, 此即智境界; 壽命分別有, 其相畢竟空。 無有言知者, 小智即迷惑; 我相及壽命, 本性非是有。 本性及諸物, 此愚癡境界; 彼等不能近, 不思議佛乘。 不聞深經典, 復不讀誦持; 此經典不說, 無有諸法相。 我不得諸法, 說處亦復無; 我昔坐道場, 無一智可證。 此智我如是, 菩提不可得; 菩提及道場, 此二無證者。 凡夫輩分別, 諸佛說諸法;

諸佛甚深處。 此是假名字, 甚深及諸佛, 此是魔境界; 不聞此經典, 佛世尊所說。 彼等不知味, 諸法利益處; 菩薩行苦行, 其行無知故。 言佛及菩提, 此二不可見; 如是思惟已, 妄言諸佛說。 稱有諸境界, 倚之而生著; 既有染著處, 彼等不見我。 若有諸眾生, 成就甚深智; 彼等大唱說, 諸佛不思議。 是故汝善思! 欲知甚深法, 精勤當用心, 即知法真實。 彼法實無礙, 故名為甚深; 如是說之時, 名為不可得。 眾生顛倒見, 此非彼境界; 非以禪定求, 可知直實義。 三昧非三昧, 空中不可得; 無智亦復然。 此非智境界, 雖今覺彼際, 亦非智境界; 此法從緣有, 甚深即能入。 若有樂寂靜, 則無有彼此; 若心能信樂, 正說此經處。 彼非一佛邊, 昔種諸善根; 乃能受持此。」 於多諸佛所,

爾時,世尊說此偈已,復告善思離車童子作如是言:「善思童子!以是義故,諸大菩薩摩訶薩等,一切應當著如是鎧。於世間中所有恐怖驚畏之處,應於彼中不生驚、畏、恐、怖之意。發於此心如是著鎧。」

是時善思即白佛言:「大聖世尊!我信如是,而世間中所不信處。」

爾時,世尊復告善思童子:「有諸菩薩摩訶薩等行於甚深,有如是相、有如是瑞、有如是形。彼等一切諸善丈夫,觀於世間無有諸法

可優劣者。既見一切諸法平等無有優劣,如是知己而心不畏、不怖、不驚。

「斷一切諸法,如是知已而不驚;不斷一切諸法,如是知已而不 怖。

「有一切諸法,如是知已而不驚;無一切諸法,如是知已而不畏。

「聚一切諸法,如是知已而不驚;散一切諸法,如是知已而不畏。

「和合一切諸法,如是知已而不驚;不和合一切諸法,如是知已而 不畏。

「嫌一切諸法,如是知已而不驚;不嫌一切諸法,如是知已而不 畏。

「思念一切諸法,如是知已而不驚;不思念一切諸法,如是知已而 不畏。

「造作一切諸法,如是知已而不驚;不造作一切諸法,如是知已而 不畏。

「境界一切諸法,如是知已而不驚;非境界一切諸法,如是知已而 不畏。

「歡喜一切諸法,如是知已而不驚;非歡喜一切諸法,如是知已而 不畏。

「世諦一切諸法,如是知已而不驚;非世諦一切諸法,如是知已而 不畏。

「寂靜一切諸法,如是知已而不驚;非寂靜一切諸法,如是知已而 不畏。 「解一切諸法,如是知已而不驚;不解一切諸法,如是知已而不 畏。

「持戒一切諸法,如是知已而不驚;破戒一切諸法,如是知已而不畏。

「明一切諸法,如是知已而不驚;無明一切諸法,如是知已而不 畏。

「有名一切諸法,如是知已而不驚;無名一切諸法,如是知已而不 畏。

「一切法出,如是知已而不驚;一切法不出,如是知已而不畏。

「一切法怖,如是知已而不驚;一切法不怖,如是知已而不畏。

「一切法生,如是知已而不驚;一切法不生,如是知已而不畏。

「一切法死,如是知已而不驚;一切法不死,如是知已而不畏。

「一切法菩提,如是知已而不驚;一切法非菩提,如是知已而不 畏。

「一切法涅槃,如是知已而不驚;一切法非涅槃,如是知已而不 畏。能作如是說法之時,是名菩薩不畏、不驚、不恐、不怖。」

爾時,世尊說是語已,欲為善思重宣此義而說偈言:

「一切法無有, 真如不迷惑; 諸法無有故, 彼相即寂滅。

諸法無優劣, 此彼悉皆無; 一切法無故, 真實亦復無。

諸法有優劣, 此彼亦各無;

諸法既悉空, 則無有諍競。

一切法既無, 本性何有性? 其性無有故, 云何有壞滅? 諸法有斷耶? 智者無此念; 但假有斷名, 求斷處不得。 欲斷一切法, 微細求覓無; 毫末及眾多, 諸法皆無有。 諸法無有者, 此亦是言說; 彼中如是無, 但有中示現。 一切法無形, 但有相中現; 有有及無有, 一切皆假名。 一切法有合, 示現不合者; 直如無合故, 畢竟無有物。 諸法無和合, 無作無滅者; 諸法各各無。 如是亦不得, 彼等前際無; 諸法不可得, 本際既無故, 故名為實際。 歡喜不可得; 一切法歡喜, 既無有諸法, 彼亦不可說。 諸法無歡喜, 彼等二皆無; 直如中無物, 此是甚深相。 一切法無嫌, 真如中無我; 真如無有故, 彼無有嫌處。 涅槃無讚歎, 彼法不可得; 諸法無有故, 故名為涅槃。 諸法無明者, 真如中示現; 此是假名說, 是故名為思。 此法無定處; 諸法無思者, 是故無眾生, 此是諸法體。 彼幻不可得; 一切法如幻, 諸法不得故, 說有為諸行。 此彼真如體; 諸法既無為, 無有諸法處, 故言無有邊。 境界實無有; 雖言有境界, 而凡夫所說, 故名為境界。 諸境界虚妄, 故說無境界; 說無有境界, 是境界直相。 彼等無有數; 言一切法體, 彼等既無有, 寂定汝等知。

無得言有得, 示現有得處; 得無得之處, 示現故有得。 彼處無持戒, 及破戒亦無; 無行及無戒, 如是諸法相。 故名為無明; 一切法悉無, 無有諸法故, 汝當知是明。 彼名實無有; 諸法名字者, 當知是涅槃。 既無有法名, 說有受名者, 以受故示現; 是處無有受, 故言受示現。 無有為有相, 示現名為有; 諸法中離有, 故言常無有。 如見幻華已, 愚癡言有相; 有有無有知, 是處智無惑。 此二不可得; 法生處不知, 說此為生處。 愚癡人故言, 諸法若有生, 應說當有死; 牛處及死處, 此二不可得。 一切法皆空, 諸法不可得; 善思汝當知, 我說如是法。 菩提不可作, 是處作者無; 若當得菩提, 應即見三界。 若分別菩提, 彼不行菩提; 行行及菩提, 彼等無分別。 一切有真實, 真實無有處; 真實無得故, 此是涅槃相。 彼無處可得; 畢竟無出者, 無有諸物故, 不滅復不滅。 若能知此義, 諸法無真實; 彼等無可生, 即不相諍競。 若無恐怖時; 說此甚深法, 直實是菩薩。」 汝應知彼人,

爾時,世尊說此語已,善思童子復更以偈重白佛言:

「世尊利益我, 出現於世間; 說此法相時, 我無有疑惑。 今者具足滿, 佛出不思議; 我諸見網薄, 今得脫魔網。 我已斷生死, 已住道場內; 如來說相時, 斷除我疑結。 為我說得處, 摧滅諸見等; 無畏益世間, 善去我心垢。」

善思童子經卷上

爾時,世尊復告善思離車童子作如是言:「善思童子!此菩薩行無虛妄行。善思童子!此菩薩行是無患行,能斷一切諸過患故、慈憐一切諸眾生故。善思童子!此菩薩行是無患行,能斷一切諸過患故、慈憐一切諸眾生故。善思童子!此菩薩行甚深微妙無有相行。善思童子!此菩薩行真實能離一切欲相。善思童子!此無欲行,無愛憎故。善思童子!此菩薩行一切眾生平等心行,其心畢竟無所得故。善思童子!此菩薩行大慈悲行,於一切法無有得故。善思童子!此菩薩行大布施行,無有施故。善思童子!此菩薩行無惱忍行,現無諍故。善思童子!此菩薩行發誓願行,捨懶惰故。善思童子!此菩薩行是三昧行,以寂靜故。善思童子!此菩薩行是智慧行,於一切法無有得故。善思童子!此菩薩行是無畏行,心無恐故。善思童子!此菩薩行是無畏行,心無恐故。善思童子!此菩薩行是無受行,成就如來諸智力故。善思童子!此菩薩行是增益行,人智慧門無有著故。善思童子!此菩薩行觀十方行,無染著故。」

爾時,世尊欲為善思重宣此義而說偈言:

「無疑惑行者, 為諸菩薩說; 疑惑及諸行, 此二不可得。 為諸菩薩說, 有行無行處; 若知此行處, 彼等無諍競。 攝受一切法, 為諸菩薩說; 無所有得處, 此行最為上。 我行此行處, 彼則顛倒行; 彼無有畏處。 既住顛倒行, 彼諍不可得; 此雖名諍行, 若能如是知, 彼行最上乘。 此乘無有驚, 佛乘最為上;

驚及無驚怖, 一切法假名。 雖說諸行處, 一切不可得; 彼行最為上。 一切既不得, 此行甚深行, 愍於一切法; 愍及甚深行, 皆從分別生。 甚深及諸行, 是處二俱無; 若知此際者, 彼於法無沒。 諸法無可染, 非法亦復然; 此諸法本性, 當說無染處。 無牢及無固, 此但是有現; 無有名字處, 此句最為上。 彼處無恐怖; 我雖說有愛, 以無有物故, 彼處不生競。 此處無有真; 此諸眾生行, 若有知此者, 彼為善說行。 此處無眾生, 故我說眾生; 此路最為上。 眾生法一等, 心及有眾生, 畢竟不可得; 此名為最慈, 我前說大慈。 世間大施主, 亦名大眾生; 常樂行布施, 故名大施主。 法尚不可得, 況復當有邊; 故名為施主。 大智菩薩輩, 佛既不可得, 法亦不思議; 此戒不缺犯, 諸法無倚處。 彼等不思議, 佛戒不思議; 不分別戒行, 為諸菩薩說。 忍向眾生輩, 眾生畢竟無; 此是最勝忍, 我法行中說。 心不可得故, 諍競無處生; 此是最上忍, 諸法不可得。 菩薩無懈怠, 不被他毀辱; 此名最精進, 名為不捨取。 身心善質直, 能辦於此行; 是名最精進, 為諸菩薩說。 菩薩能懶惰, 不發諸行等; 能不捨不取, 彼住最精進。 若外若在內; 心界不可得,

故名最定心, 其心無有處。 攀緣及心行, 真如中無有; 不思彼三昧, 示現如是定。 我說此三昧, 自在修伽陀; 能行此行者, 我說彼得定。 不以智能知, 有諸真如法; 真如及智慧, 此二邊無有。 此法不可得, 此是識境界; 法不以識知, 真體此處寂。 能知如是者, 彼等名真念; 菩薩真如行, 世所不能行。 為眾生說法; 彼勝一切眾, 彼無眾生相, 況復有徒眾。 眾生如幻化, 幻化亦無有; 彼無有恐怖。 如是能說者, 此二俱無有; 若我若他身, 能有此智者, 彼無有驚懼。 諸內及與外, 有相畢竟無; 即勝一切世。 心無怯弱處, 諸法無有礙, 猶如虚空行; 既如虚空行, 法真如亦然。 若能知此智, 菩薩無所畏; 彼知眾生行。 巧解一切法, 既知無眾生, 一切法亦然; 界智巧解知, 彼界不可得。 若入是法門, 此路最為勝; 即知眾生行。 有能從此道, 境界及眾生, 此二無有物; 欲識諸法門, 須知此勝智。 若內若有外, 智慧無集處; 無礙諸法中, 故名為實際。 諸法不思議, 故名為佛法。 彼無所有處, 其處亦復無; 若能如是行, 世間無障礙。 智既無有礙, 故名為佛智。 諸法不思議, 彼輩無真正; 諸法既無體, 是覺諸佛法。 佛及諸佛法, 此二俱無有;

菩提無有故, 是名為佛道。 到法安樂處; 乘此大乘者, 此世最為勝, 人世不可得。 凡世間所有, 一切處眾生; 彼菩薩為勝, 行此勝智者。 能求此諸法, 佛法不思議; 能得此諸法, 彼即近菩提。 菩提及諸法, 此二畢竟無; 能作如是行, 即折諸佛法。 能行此行者, 不染諸世間; 既無有染心, 彼去菩提祈。」

爾時,世尊說此偈已,復更重告善思離車童子作是言:「復次,善思!我今宣說,若有菩薩摩訶薩等善著鎧者,能於如是甚深經典能善說者,最妙微密善說之時,聞已其人能不驚怖、不悔、不沒,如是菩薩摩訶薩等即得住於菩提道場;即得入於諸佛境界;即證無礙;即住無為解脫法門。又能巧住無得之行,即能觀察一切十方;即能證得大慈大悲;即得諸佛十八不共法;即得無上最大灌頂。說此甚深微妙法時,能有信行、能有思惟如是法者,諸佛已觀彼等菩薩,一切諸佛已護持彼。若菩薩能信此行者,或有不信於此行者,亦為一切諸佛所知。若有能入此法門者,諸佛已知。若能信行此法門者,我當為於彼等作師,彼等則為隨我出家。」

爾時,世尊欲為善思重宣此義而說偈言:

「彼等證道場, 道場者即空; 若不取菩提, 彼等即住智。 諸法無有礙, 畢竟不可得; 法既不可得, 解脫亦復然。 諸佛智行者, 一切諸法處, 及於諸法行, 世尊如是說。 有礙無礙處, 愚癡作是心; 佛及大菩薩, 不如是分別。 雖觀世間法, 世間畢竟空; 彼智亦無有。 智能觀世間,

一種無分別; 眾生及諸佛, 既無分別處, 彼慈最為勝。 法界廣大性, 眾生界亦然; 大智諸菩薩, 不如是思惟。 雖復欲起慈, 彼慈實無體; 慈體及無性, 非眾牛境界。 若五指量空, 先無今亦無; 諸世間亦然, 此慈最為勝。 諸法無上者, 名為諸佛法; 彼等無得處, 此即是真體。 無有形與色; 世尊大慈悲, 如是無色法, 是行名世間。 虚空無有邊, 境界不可執; 智者行此順。 諸佛如是法, 是即無上智, 而智不可得; 智既無得處, 彼處實無有。 此岸及彼岸, 若思惟若見; 彼等無此行, 甚深是名相。 若知此等法, 一切處平等; 於我法行中, 不假求知識。 若作取捨心, 分別二見處; 彼非善知識。 此事言有者, 有言此法成, 或言此法滅; 善思此比丘, 非是我弟子。 言證苦滅者, 畢竟不可得; 如是說法師, 彼非說我法。 何言諸法集? 諸法無起處, 無起處說滅, 彼等遠我法。 如是寂法中, 無有分別處; 諸法既無有, 滅處亦復無。 豈名說寂滅; 若有諍競心, 善思汝知此, 彼不名真實。 此是示現有; 說道及與法, 彼假現有路。 既示現有處, 我說諸菩薩, 未來世大智, 能作如是行, 彼依此境界。 能行此行者, 諸佛說甚深; 彼已供養我, 利益諸含識。

能持此經典, 諸大智菩薩, 彼於未來世, 住持諸法故。 我所說諸法, 常住無分別; 此即是菩提, 離此無別道。」

爾時,世尊說是法已,是時善思離車童子,於諸法中即便證得無生順忍。既得證彼無生忍已,遠離一切世間憂喜,得大歡樂;即更飛騰上虛空中,離地高於七多羅樹。

爾時,世尊當於彼時即便微笑。而諸世尊,有如是法微笑之時,從其面門出種種光,其光雜色,所謂青、黃、赤、白、紅、縹、綠、紺、頗梨,彼之光明如是遍照無量無邊諸佛世界,乃至有頂大梵天宮;照已還迴至於佛所圍繞三匝,遶已從於佛頂而入。當入之時,此之大地具足六種十八相動,動、遍動、等遍動,踊、遍踊、等遍踊,沒、遍沒、等遍沒,震、遍震、等遍震,吼、遍吼、等遍吼,覺、遍覺、等遍覺。

爾時,上界虛空之中,天雨種種細栴檀末,沈水、末香及天華雨, 天諸種種微妙音聲自然而作。此之三千大千世界清淨莊嚴,猶如北 方欝單越國,莊嚴華麗一種無殊,此之三千大千世界亦爾無異。

爾時,長老阿難比丘從座而起,整理衣服,偏袒右肩右膝著地,合掌向佛,而白佛言:「希有,世尊!未審如來有何因緣微笑放光?諸佛世尊非無因緣而放光明。」作是語已,即便以偈而白佛言:

「諸佛世間最勝尊, 微笑放光必有以; 利益之處願尊說, 有此瑞相何因緣? 虚空天雨華, 供養世尊故, 歡喜皆歌嘯, 稱讚說此經。 三千世界中, 種種莊嚴淨, 猶如欝單越, 光普照十方。 如昔諸世尊, 其中授記者, 佛出光照訖, 迴入佛頂中。 世尊所放光, 其光種種色, 從佛面門出, 為我說此因。」

爾時,世尊即以偈告長老阿難,作如是言:

「此童子善思, 宿植善根厚, 當於未來世, 成佛兩足尊。」

爾時,世尊說此偈已,告阿難言:「阿難!此之善思離車童子,從今已去供養恭敬億那由他阿僧祇劫諸佛如來,承奉不違彼諸佛教。又復供養彼諸世尊,衣服、湯藥、房舍、臥具四事皆足,彼諸如來滅度之後供養舍利,以種種寶而用作塔,其一一塔各各皆高百千由旬,於彼一切諸寶塔中安置舍利,以諸名香供養彼塔。復將一切華鬘校飾,一切諸寶、一切諸幡,種種妙華及栴檀末、沈水末等,而以散上。復將最妙種種音聲以供養之。供養彼諸多陀阿伽度、阿羅訶、三藐三佛陀已,捨最後身而得作佛,名為淨月多陀阿伽度、阿羅訶、三藐三佛陀,出現於世,善逝、世間解、無上士、調御丈夫、天人師、佛、世尊。」

爾時,世尊欲為阿難及諸大眾重宣此義,而說偈言:

「若滿十方界, 諸寶妙珍奇, 布施佛世尊, 及諸菩薩眾。 得聞此法相, 如大聖所宣, 校量財施功, 此福多於彼。」

爾時,長老舍利弗聞佛世尊說此校量功德語已,即更以偈而白佛言:

「世尊說此經, 甚深最微妙, 而不說名字, 我等云何持? 此經典所明, 諸法皆平等, 無有得不得, 希有佛善說。 有漏及有為, 無漏、無為法;

```
此經不分別, 世尊善巧說。
世間、出世間,
         世諦、第一義,
二界無有異,
        此經如是說。
佛所說諸行,
        方便為眾生;
        世尊金口說。
直理皆悉無,
諸佛及諸法,
        彼等一切無;
        希有佛善說。
能所乘並空,
十方諸世尊,
        所說諸法相;
彼等無直體,
        此經如是行。
        善哉最勝智!
善哉大聖尊!
此經名云何?
        為我等解說。」
        今日決諸疑;
智慧此語已,
八功德相圓,
        音聲告於彼:
「欲知此經者,
         名為『灌頂王』;
雖言灌頂王,
        灌頂亦無有。
能持此經者,
        諸佛說彼人,
於天人世間,
        當為如寶塔。
        聽眾有八千,
我說是經處,
多種諸善根,
        發無上道意。
彼等於來世,
        決作無上尊,
得聞此妙經,
        難思議福德。
        甚深善根中,
止住安隱處,
        受持此經典。
彼乃如是能,
係念專讀誦,
        此之《灌頂王》;
        諸法無疑惑。
彼等人輩於,
此不說初忍,
        第二忍亦無;
諸法相既空,
        云何有說處?
若人受持此,
        《灌頂王》經典;
彼作如是等,
        諸法乘辯才。
若有智女人,
        受持此經典;
速捨女雜穢,
        罪業不淨身。
        一切智一知;
一智一切知,
此是持諸法,
        此經中具說。
此經所說法,
        入處如虚空;
我說此入道,
        作諸法光明。
即知種種名,
        處處有多種;
雖復說諸法,
        彼法不可得。
所有無言體,
        其相畢竟無;
```

```
知是諸法門,
        是名受持法。
言無諸法者,
        彼處有無無;
此是法體相,
        名為陀羅尼。
若人欲無邊,
        一切光明照;
當持此經典,
        善說《灌頂王》
欲求法界邊,
        此中已說訖;
彼界不可得,
        故名陀羅尼。
        法者無得處;
一切法甚深,
既無法得處,
        彼處無常無。
若成就辯才,
        智深遠無礙;
        是經無所著。
乃能知此義,
        於空中降雨;
如阿耨達龍,
彼無有心想,
        名不可思議。
若欲廣多官,
        種種辯才說;
依此經中學,
        無倚一切法。
彼法無來處,
        善說如此經;
諸法無有生,
        如此經所說。
如日光明照,
        彼光無處來;
此經如是明,
        法光常充满。
        欲無盡辯才;
來世善男子,
           善說此法本。
當學《灌頂王》
        甚深不思議;
速得無礙辯,
若學《灌頂王》
          世多作利益。
若不修此法,
        無上《灌頂王》;
彼人不受持,
        如是無譬喻。
彼等四部眾,
        遠我法行中;
不解此義人,
        無義可能義。
若有四部眾,
        能行此行時;
        即為世間眼。
無上諸法中,
        顯現高巍巍;
如忉利宫殿,
        世間最為最。
此經典亦然,
        覩見世間人;
如立須彌頂,
如是住此經,
        觀見一切法。
        秉高大火炬;
如人暗夜中,
        終無諸黑闇。
彼人所行處,
此經光所照,
        明見一切法;
能持此經者,
        彼無諸闇黑。
譬如日光焰,
        一切處悉明;
```

```
此經典亦然,
        能出多種法。
又如虚空月,
        放光明流轉;
如是此經典,
        遍照十方界。
此印諸法印,
        一切印中印;
故遣住此印,
        為諸菩薩輩。
如欲印虚空,
        本無亦不住;
虚空及與印,
        此二是分別。
        此經中所說;
如是佛及法,
諸佛不可說,
        諸法亦復然。
如王捨命時,
        殷勤善囑授;
        財付我諸子。
勅諸大臣等,
如是聖法身,
        我昔修習得;
阿難汝來世,
        付囑諸菩薩。
        為諸菩薩輩;
我以說此經,
能持是經者,
        此人福甚多。
能信受此經,
        依《灌頂王》說;
        我當不作佛。
彼人若致疑,
        於諸法無礙;
人欲自在辯,
應當學此經,
        我善說《灌頂》。
世間說諸法,
        彼是菩提道;
        此經當讀誦。
知已莫應怠,
        於世間無惑;
彼等正信人,
        復能為他說。
既讀誦此經,
此是諸佛法,
        為諸菩薩說;
得聞此經已,
        甚深難思議。
        十方一切佛;
當說此經時,
微笑放光明,
        各言善說此。
竪立大勝幢,
        法幢不思議;
        為大眾演說。
此經四句傷,
巧行多方便,
        不思議法中;
能持此經者,
        兼復為他說。
彼人共佛語,
        證法無上尊;
        不思議灌頂。」
能持此經者,
```

爾時,世尊說此偈報舍利弗已,復更重告長老阿難作如是言:「阿難!若有比丘或比丘尼、諸優婆塞及優婆夷,於當來世有能信心聽此經典受持讀誦,彼人當得最大福德。其福德聚不可稱量無有邊

際,譬如空界,無有人能量知邊際。如是,如是!長老阿難!此法本中有能受持一四句偈,或自讀誦或為他說,彼人所得功德善根,亦不可量亦不可說無有邊際。」

爾時,世尊欲為阿難及諸大眾重宣此義,而說偈言:

「若能讀誦此, 無邊方便身; 利益多眾生, 灌頂王憐愍。 假使我今說, 虚空可度量; 欲比校斯經, 不可得窮盡。 十方一切佛, 世中無上尊; 若受持此經, 悉皆供養彼。 十方一切佛, 斷牛死法干; 能持此經人, 名已供養彼。 十方諸世界, 除斷十惡根; 聞此經典人, 能供彼諸聖。 我未來諸佛, 及過去如來, 現在十方中, 兩足尊無上, 能作師子吼, 彼悉供養之; 諸佛所宣說。 能受持此經, 持資財供養, 此非正智人; 若能持此經, 供養中為最。 一切十方界, 滿七寶行檀; 以供諸世尊, 劣持此經福。 若學此經典, 一如灌頂王; 真實如中顯。 此敬諸如來, 我所說諸法, 諸佛不可得; 彼閏不驚怖, 即是供世尊。 此供養甚深, 世間無解者; 不取及不捨, 此供養最勝。 諸佛及諸法, 一切不取捨; 諸佛世尊歎。 此供養最勝, 往昔定光佛, 我供養此法; 此供最為勝, 為諸菩薩說。 於時彼佛邊, 我持此供養; 汝當得作佛。 彼佛授我記, 復為眾生最; 若當欲作佛,

應成就此路, 是名供養佛。 我如是供養, 今得成佛道。 洞達一切法, 堪受天人供。 所有諸佛法, 世間無上尊。 離世散失, 諸供養中最。 證於佛境界, 智慧不思議。 能作師子吼已, 得諸法自在; 解脫眾生輩, 入無漏涅槃。」

爾時,世尊說此經已,善思童子及毘耶離,一切大眾,天、龍、夜叉、乾闥婆、阿修羅、人、非人等,聞佛所說,皆悉信受,歡喜奉行。

善思童子經卷下

CBETA 贊助資訊

(https://www.cbeta.org/donation/index.php)

自 2001 年 2 月 1 日起, CBETA 帳務由「財團法人西蓮教育基金會」承辦,並成立「財團法人西蓮教育基金會」- CBETA 專戶, 所有捐款至 CBETA 專戶皆為專款專用,歡迎各界捐款贊助。

您的捐款本協會皆會開立收據,此收據可在年度中申報個人或企業的綜合所得稅減免。 感恩諸位大德的善心善行,以及您為佛典電子 化所做的一切貢獻。

信用卡線上捐款

本線上捐款與聯合信用卡中心合作,資料傳送採用 SSL (Secure Socket Layer) 傳輸加密,讓您能夠安全安心地進行線上捐款動作。

前往捐款

信用卡 (單次 / 定期定額) 捐款

本授權書可提供單次捐款或定期定額捐款之用途。

請於下載並填妥捐款授權書後,請傳真至 02-2383-0649,並請來 電 02-2383-2182 確認。

或掛號寄至 10044 台灣台北市中正區延平南路 77 號 8 樓 R812 財團法人西蓮教育基金會收。

請在此下載 授權書 (MS Word 格式)

劃撥捐款

郵政劃撥帳號:19538811

戶名: 財團法人西蓮教育基金會

欲指定特殊用途者,請特別註明,我們會專款專用。

線上信用卡 / PayPal 捐款

PayPal 是一個跨國線上付款機制的公司, CBETA 引用其服務,提供網友能在線上使用信用卡或 PayPal 帳戶贊助 CBETA。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project.

相關收據開立事宜,由於付款幣別為美元,我們除了會依您所贊助之美元金額開立收據外,另我們會依捐款當日公告匯率開立台幣收據,此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

<u>線上信用卡 / PayPal 贊助</u>

支票捐款

支票抬頭請填寫「財團法人西蓮教育基金會」。

CBETA is part of Seeland Educational projects, any donation (ex-cheques, remittance, etc.,) please entitle to "The Seeland Education Foundation".